

مرکز توزیع:

باب عالی چاده سنده
(اتحاد تجارت)
کتابخانه سی ایله
(یکی توریه)
مطبعه سی

اداره خانه سی:

باب عالیده
(یکی توریه)
مطبعه سی فوقنده کی
داثره مخصوصه

فی القعه
۳۳۸

مجموعه اسلامی

شرائط اشترا:

هرسته نك برنجی وایکجی آلی آیلغندن اعتباراً آتونه قید اولونور.
سته لی: اون ایکی نسخه اولق اوزره پوسته اجریتله برا.
(۱۰۰)، آلی آیلغی: (۵۰) غروشدور. ممالک اجنبیه ایچین
۱۰ و ۲۰ غروش علاوه سی لازمدر.



شرائط تحریر:

اسلامک نفعنه خادم یازیلر مع التشر قبول ونشر اولونور. یازانک
شخصیتی دکل، یازانک مادیتی نظردقته آتیر. کونده وایه جک آثار
اوقوناقلی و مختصرجه یازیلش اولالیدر. کن یازیلردن شایان قبول
کوروئلر تاوخی صیراسیله درج ایدیلیر.

مدرجات:

محفلی دینی و علمی: تفسیرلر، مفسرلر، برغمه لی جودت افندی. ارضک صوک کونی - عبدالرحمن بک. اعظم
واصغر نامتناهی - سعدی بک.

محفلی اجتماعی: آناطول فرانسک وفاتی مناسبتیه - رشید مظهر بک. پارسده اولولر بایرامی - رشید مظهر بک.
تورکستانده حیات، معیشت، وسائط نقلیه - رفعت افندی. آشاغیدن کله بر حکمت اجتماعی - فکری خالص بک.
افغانستانده به تیشن مشاهیر - سید عیسی خان.

محفلی ادبی و تاریخی: مدد یار رسول الله - محی الدین مکی بک. بریانغین خاطره سی - طاهر المولوی. تخمیس -
جودت افندی. عثمان نورس افندی - معمر افندی. انکیز ادبیاتی نمونه لرندن - محی الدین رائف بک. کلیله و دمنه - طاهر المولوی.

آثار منتشره:

اخلاق درس لری

تورکیه جمهوریتی دیانت ایشلری رئیس لکنک
فاتحه نیریاتی اولق اوزره بالاده کی سر لوحه ایله
مفید بر اثر نشر ایدیلشدر. محرری: ریاست مشارالیه
هیئت مشاوره اعضاسندن فاضل کلاترور آقسه کیلی
احمد حمدی افندیدر. مندرجاتندن بر قسمتی نمونه
اولارق ان شاء الله کله جک نسخه یه درج ایده جکمز
بو کتاب جلیک مطالعه سندن استفاده اولونماسنی
قارئلر مزه توصیه ایلرز.

فرنکی، بل صغوقلغنی

محرری: دو قنور حسن رشاد
فرنکی و بل صغوقلغنی، آلنولیزم ایله ورم کی نفوس

عمومیه اوزره رنده الک زیاده تخریبات یاپان خسته لقلردر
« بک چوق فحایع تولید ایدن و بک چوق طائله
اوجاقلرینی » سوندورن بو امراضه قارشلی تحفظ
چاره لرینی چوغمز بیلیمورز. نشر ایدیلن آثارک
قسم اعظمی، طبی اصطلاحاتی فضله جه حاوی
بولندیغندن قطعی اولارق بیلنمسی لازم کن معلومات
اونلرک مطالعه سندن الهه ایدیه میور. طب فاکولته سی
سریات جلدیه و افرنجیه معلمی دو قنور حسن رشاد
بک افندیکنک اخیر انشرایتدیکی بو قیمتی اثر، عین
موضوع اوزهرینه تألیف اولنش آثاره بر چوق
نقاطدن فائقدر. مؤلف مقدمه سنده دیورکه:

« آنجق ایکی فورمه لق بر رساله تشکیل ایده بیله جک
قدر کوچوک اولان بو اثر جک، فرنکی و بل صغوقلغنی
حقنده قیمتدار مشاهده لرمدن بعضیلری ایله ده تریزین

اولدیغندن، قارئنه حجمك چوق فوقنده قطعی و صریح فکرلر ویره جکدر. مندرجاتك بلااستناهر کس طرفندن آ کلاشینه بیلیمی ایچون طی افاده لردن ممکن مرتبه توق اولندی. بو خصوصده موفق اولدیغی مقاله حالنده انتشاری ائناسنده مطالعه ایله یین ذواتك ویردکری تأمیناتدن استدلال ایتدم. »

وجیز بر اسلوب ایله یازیلش اولان بو مفید اثر هر حالده شایان توصیه در.

مخفل وینی و علمی :

تفسیرلر - مفسرلر

تفسیر بالدرایه مراتبک تعداد و تبلیغی

و بومناستله برخیلی حقایق علمیه ك كشف و ایضاحی اولاً : معلوم اولسون كه (تفسیر بالدرایه) کندیسنده قطعياً روایتدن بحث جریان ایتمین تفسیر دیمك ماهیتنده دکلدر، بلکه او کی تفسیرلرده بیاناتك مرکز ثقلتی درایتدر. یعنی اکثریتله درایه تحصیل معنایه قالدیشیلیر، احیاناً دروایت کوپرو سندن درایه تفسیره کچیلیر معناسنده در. دیمك كه او کی تفسیرلر ك روایتله ممزوج اولدقلری ده واردر.

ثانیاً : ینه بیلیمك لازمه دندر كه بوراده ایکی شیء واردر. بری : اساس مقصد، دیکری : آکا وصول ایچون باصا ما قدر. اساس مقصد دیدیکمز : درایته متعلق مفسرینك طبقاتی، آکا وسیله ایسه : درایته متعلق تفسیرك مراتبدر كه آنار مفسرینك طبقاتی و درایتنی بیلیمك خصوصنه وسیله در. تفسیر بالدرایه نك اون مرتبه سی واردر كه بوجه آتی بیان اولونور:

تفسیر بالدرایه نك برنجی مرتبه سی :

قرآن کریمده وقوع بولان تکرارلر ك صورت عمومی ده حکمتنی بیاندن صو کرا - برده خصوصیه تکرار اولونمقده بولونان - اسماء حسناء ربانیه،

صفات و مشیئت سبحانیه یه دائر آیتلری و (سلام) (ایمان) (احسان) (مؤمنون) (محسنون) (ظالمون) (فاسقون) (کافرون) کی قرآنده تکرار اولونان اوصافك ماهیت لغویه و شرعیله ری بر مقدمه ایله بیان ایتمکدر كه (محمود شیرازی) نك تفسیری مقدمه سنده و دیکر تفسیرلردن اکثرینك مقدمه لرنده « اسماء الله توقیفیمیدر، مشیئت، رحمت، نزول و سائره کی صفاتك واجب الوجوده اسنادی حقیقتیمیدر، دکلیدر؟ » کی علم کلامده فصول مخصوصده بسط و بیان اولونان مباحثك بر عصاره اجمالیه سی، طرز استادانه ده در میان ایدیلر ك اشبو مرتبه دن تفسیر یورو تولمشدر.

تفسیر بالدرایه نك ایکنجی مرتبه سی

قرآن کریمی ینه آیات قرآنیه ایله تفسیر ایله مکدر كه بوده قرآنده مکرراً سلك بیانیه کیرمش اولان، بعض آیاتك دیکرندن اولبابده دها زیاده حائر تفصیل بولوندیغی یرلرده اولور. مثلاً بر حقیقتك بیانی ایچون بر آیت نازل اولور. تکرار ینه او حقیقتك بیانی خصوصنده دیکر بر آیت نازل اولور. لکن ایکنجی، اولکندن دها زیاده تفصیل و تبیانیه مالک بولونورده ایکنجی، اولکی یی تفسیر ایدر ك اجمال دن حاصل اولان ابهامی ازاله ایدر و سامعینك نفوس ناطقه سنده « اولاً اجمال، ثانیاً تفصیل اوقع فی النفوسدر. » قاعده سنجه باشقه بر تأثیر او یاندیریر. بوقیلدن اولارق آیریجه تفسیرلر بیله یازیلشدر. دیکر تفاسیرده اشبو (تفسیر القرآن بالقرآن) عملیه سی متفرق صورتده اجرا قیلنمشدر كه بعض نمونه لرینی کوستریورز:

برنجی نمونه - (وانیک صادقاً یصبکم بعض الذی یعدکم) یعنی « رسول الله، خبر ویردیکی مواعیدده صادق اولور ایسه سزه وعد ایله دیکی